



格致鏡原

卷六十二三四

第三卷

卷六十二 蔬

葵 葱 芥 葱 蒜 韭 薤 薑 蔞 芥 薺 苜 蓿 菜
 蕪 蕪 芥 蕪 蕪 苜 蓿 菜 苜 蓿 菜

卷六十三

蕈 芋 薯 蕷 甘 藷 百合 茨 菰 芋 薺 薑 瓜
 栢 松 楠 樟 桑 栢 木 棉

卷六十四 木類

13
 2226
 20

五



門 1 3
號 2226
卷 20

格致鏡原
卷六

一 蔬類

總

菘

蔥

韭

薑

薯

茄

蓴

芹

紀異

芥

蒜

薤

葱

姜

薯

茄

蓴

芹

詳類

各款竟目次

<41-10304>

薇

首蓿

蘆菔

蔓菁

蒿苳

菠薐

諸菜

卷六十三 蔬類二

葷

總論

詳類

異蔬

蕪菁

芋

總論

詳類

薯蕷

甘藷

百合

茨菰

荸薺

壺盧

瓜

附筍總論

詳類

詳類

異瓜

格致鏡原卷六十二

蔬類

總

爾雅菜謂之蔬亦曰菽不熟曰饑禮記仲秋之月命

有司勸民務蓄菜註菜以助穀之不及故收之為備

詩大雅其藪維何註藪菜也郭璞曰藪菜茹總名

禮聚斂疏材鄭注疏材百草根實可食者枚乘七發

秋黃之蘇白露之茹金樓子秦始皇遣徐福入海求

金菜玉蔬梁書武帝大官常膳唯以菜蔬李綽秦

中歲時記二月二日曲江拾菜士民遊極盛夢華錄

立春日食生菜取迎新之意漢書西域傳劉賓地溫

和冬食生菜

魏志倭國地溫和冬夏食生菜

清異

錄馬希範病酒厭膏膩袁居道曰大王今日使得貧家

纏齒羊詢其故則謂蔬茹也

豫章記宋字種蔬三十

品時雨之後按行園圃曰天苗此徒助予鼎俎

杜蘭

香別傳香降張頌貴七子櫻櫻多菜而無他味亦有世

間常菜輒有三種色或丹或紫并有非時菜頌云食之

亦不甘然一食七八日不飢

清異錄有神曰紫相公

葵

總論

說原蔬植三百六十葵為之長

爾風七月亨

葵及菽

說文葵菜也

周禮醢人饋食之豆其實葵

菹

繆襲祭儀夏祀和羹菹以葵

王禎農書葵陽草

也 本草古人採葵必待露解故名露葵今人呼骨菜

潘岳閒居賦菜則綠葵含露 崔寔月令六月六日

可種葵中伏後可種冬葵九月作葵菹乾葵 齊民要

術種葵三十畝勝十頃穀今世葵有紫莖白莖二種春

必畦種水澆而冬種者有雪勿令從風飛去每雪輒一

勞之勞雪令地保澤葉又不蟲搯必待露解收必待霜

降傷晚則黃爛傷早則黑澀也 農桑通訣葵為百菜

之主備四時之饌木豐而耐旱味甘而無毒供食之餘

可為菹腊枯枿之遺可為榜簇咸無棄材誠蔬茹之上

品也 蔬譜葵甚易生地不論肥瘠宜於不堪作田之

地多種以防荒年採淪曬乾收貯博物志陳葵子微炒令爆吒散著熟地中過踏之朝種暮生物類相感志犬死取葵根塞鼻良久乃活也

詩類
爾雅齧苦莖註今莖葵也葉似柳子如米泔食之滑爾雅蒹菹葵註蒹一名菹葵似葵而小葉狀如

藜有毛灼啖之滑本草唐注兔葵苗如石龍芮葉小

光澤花白似梅莖紫煮汁極滑堪噉所在平澤皆有之

廣雅藟丘葵也楚辭紫莖屏風文緣波些註屏風

水葵也生於池其莖紫色本草圖經冬葵苗葉作菜

茹更甘美食醫心鏡龍葵作羹粥食之並得圖經龍葵惟北方有之北人謂之苦葵本草唐注龍葵即

關河間謂之苦菜者葉圓花白但堪煮食不任生噉
格物論菜葵為白菜主味甘性滑夏種秋採者為秋葵
秋種冬採者為冬葵正月復種者為春葵最小者名鴨
脚葵

菘

通雅菘亦菜之總名周頤曰秋末晚菘晚菘即今之白菜
陸佃埤雅菘性凌冬不彫四時長見有松之操本
草以為久耐霜雪也格物論菘有二種有春菘有秋

菘性和利以菘種北地即化為蕪菁以蕪菁種南地即
化為菘清異錄江右冬菘菜鬻筍者惡之罵曰筍奴

菘妾菜譜菜中有菘最為常食其子可作油傅頭長

髮塗乃鈔不縮 [段成式食品] 有蒲葉菘 [全芳備祖]

楊誠齋各白菜爲水晶菜 [本草] 最肥大者名牛肚菘

[正字通] 今南京京口之菘爲上曰箭筈白又四月菘

卽油菜開花黃如金摘心爲菜茹其旁心結子可榨油

又菘卽今蹋菜歲暮生皆蹋地不起 [蔬譜] 北京人取

入窖壅培不見風日長出苗葉皆嫩黃色脆美無滓謂

之黃芽菜 [戒菴漫筆] 杭州俗呼黃矮菜爲花交菜謂

近諸菜多變成異種民間嘗以此晉人如魚中之鯧也

事物原始恭 [音] 菜似升麻蒸食之 [本草] 蒸一名茗

達菜

芥

禮內貽魚膾芥醬又膾秋用芥 [李說] 芥者界也發汗

散氣界我者也 [農書] 芥氣味辛烈菜中之介然者

吳氏本草芥菹一名水蘇一名勞祖 [蔬譜] 青芥葉大

了粗葉似菘有毛味辣可生食紫芥莖葉純紫作菹最

美白芥一名胡芥一名蜀芥高二三尺葉青白色爲茹

甚美莖易起而中空性脆畏狂風大雪他如南芥刺芥

旋芥馬芥花芥石芥芸薹芥之類皆菜之美者又大芥

名皺葉芥大葉皺文色綠味辛冬食者俗呼臘芥春食

者春芥四月食者夏芥芥心嫩莖謂之芥藍 [物類相

感志] 收芥菜子宜隔年者則辣 [學圃雜疏] 芥多種以

春不老爲第一 [劉恂嶺南異物志] 南土芥高五六尺

子大如雞子。〔花木考〕廣州人以巨芥為鹹。道埋地中三十年貴尚親賓以相遺餉。〔西陽雜俎〕末多國有掌中芥。〔互見〕

蔥

總論

〔曲禮〕凡進食之禮。蔥漬處末。〔內則〕膾春用蔥。又脂用蔥。又切蔥若薤實之醢以柔之。〔清異錄〕蔥能和調眾味。名和事草。〔本草綱目〕蔥一名菜伯。〔埤雅〕桂得蔥而軟。蔥葷菜也。五葷鍊形蔥其一也。〔齊民要術〕種蔥良地三翦薄地再翦八月止不止則蔥無袍而損白葢。蔥肉曰白其青謂之袍。〔崔寔月令〕三月別小蔥六月別大蔥。夏蔥曰小冬蔥曰大。〔晉令〕居洛陽

園菜其引長流灌紫蔥。丁各三畝。〔地鏡〕蔥下有銀光隱隱。白山有蔥石下有銅若金銀也。〔西河舊事〕蔥嶺在燉煌西其山生蔥。

詳類

〔爾雅〕荅山蔥。郭註細莖大葉。〔本草〕入藥用山蔥。胡蔥食用凍蔥。漢蔥能消穀。〔蔬譜〕初生曰蔥針。葉曰蔥青。一種凍蔥即冬蔥。夏衰冬盛。莖葉氣味俱軟美。分莖栽蒔而無子人稱慈蔥。又稱大官蔥。謂宜上供也。一種漢蔥。春末成叢冬即枯。一種胡蔥。狀似大蒜而小。又名蒜蔥。又名回回蔥。生沙地者名沙蔥。又有一種樓蔥。人呼為龍角蔥。每莖上葉出岐如八角故名。〔清異錄〕盤盞蔥。趙魏間有之。幾如挂枚。麤但盈尺耳。〔唐書〕

西域泥婆羅貴觀中遣使入獻渾提蔥。事物原始吉
州有水晶蔥。漢武內傳西王母曰仙人上藥有玄都
綺蔥。吳均餅說河東長若之蔥。

時往取拔輒斷絕請神而求不拔目出。搜神記新野
趙貞家園中種蔥忽一日盡縮入地後歲餘貞之兄弟
相次分散。升菴外集晉時長安僧寺蔥化為莖

蒜

說文蒜葷菜也。夏小正十二月納卵蒜。古今注蒜
卵蒜也俗謂之小蒜。胡國有蒜十許子其一顆擇裹之
名胡蒜。幸於小蒜俗因呼為大蒜。孫愐唐韻漢張騫

使西域始得大蒜種歸中國。說譜小蒜一名澤蒜又

有石蒜。爾雅蒿山蒜。邢疏蒜生山中者名蒿。升菴
外集苴菜各生水邊温州有之名沙蒜。事物原始菴
俗名老鴉蒜。清異錄五代宮中呼蒜為麝香草。農

書潤州京口有蒜山多出蒜。魏志華佗見一人病咽
噎食而不得下語之曰向見賣餅家蒜壘大酢從取
三升飲之病自當去。卽如佗言立吐地一枚。物類相

感志孫炎云帝登蒿山遭齋茅草毒將死得蒜乃齧之
解毒乃收藏植能利豚魚之毒。屢諸腥羶矣。本草陳
藏器曰昔有患疰瘵者取大蒜合皮截去兩頭吞之名
曰內灸。果獲效。志雅堂雜抄金花定椀用大蒜汁調

金描畫然後再入窰燒永不復脫

韭

呂氏春秋堯時天降精為韭詩幽風獻羔祭韭

記韭曰豐本周禮醢人朝事之豆其實韭菹

翼韭者嬾人菜以其不須歲種也本草韭是草鍾乳

莖名韭白根名韭黃花名韭菁菹之美在白韭之美在

黃黃乃未出土者埤雅韭性內生根喜上跳故種與

葵同法而畦欲極深齊民要術韭高三寸便剪一歲

之中不過五翦凡翦不宜日中戒菴漫筆韭菜最忌

零陵香輒消死爾雅菹音山韭邢疏韭生山中者名

菹彙苑山韭生大伾山石罅中可療心疾或曰唐徐

勸遺種也北戶錄木韭生池塘中葉似韭有二三尺

者五六月堪食不葷而脆字林鯨水中野韭也木

草諸葛韭諸葛亮所植韭更長孝文韭生塞北山谷中

狀如韭魏孝文帝所植四民月令八月收韭菁擣作

羹郭璞爾雅注俗呼韭根為葷劉基菜窩說植韭

以為之君韭者人也所以人吾生也真誥務光服煎

韭以入清冷之淵郭林宗別傳林宗有友人夜冒雨

至剪韭作炊餅今洛人效之晉書石崇每冬月得韭

菹菹是擣韭根雜以麥苗耳南史文惠太子問周顒

菜食何味最勝顒曰春初早韭南史庾杲之清貧食

惟有韭蒞淪韭生韭雜菜任昉嘗戲之曰誰謂庾郎貧

食鮮嘗有二十七種。[雜詁集]李崇為尚書令食嘗無肉止有韭。茹。韭。菹。李元祐謂人曰李令公一食十八種人問故元祐曰二韭十八。[清異錄]杜頤食不可無韭人或候其僕市還潛取棄之頤怒罵曰安得去此一束金也。[齊諧記]江夏安陸縣郭坦有兒忽病後日食斛餘米五年遂至罄貧乃令自覓食飢不可忍後門有三畦韭一畦蒜因啜兩畦便大悶極臥地大吐吐一物似龍漣大撮飯著所吐物上即消成水病遂差。[水經注]俱縣東亭村北山甚高峻上合下空傍生野韭人往乞者神許則風吹別分隨偃而輪不得過越。[漢武內傳]西王母曰仙之次藥有八阮赤韭。

薤

禮少儀為君子擇蔥薤則絕其本末。[註]為有須乾者絕之。[內則]膏用薤。[爾雅]薤同鴻薹郭註即薤菜。[邢疏]本草謂之菜芝是也。[本草]薤江南呼為藟子。別名藟。[酉陽雜俎]蔬薤白華一名守宅。一名家芝。[爾雅]藟山薤。[邢疏]葉似韭。[農書]野薤俗名天薤生麥原中葉似薤而小味益辛亦可供食。[洞冥記]烏哀國有龍瓜薤長九尺色如玉和紫桂為丸服之不飢語曰薤和膏身生毛。[列仙傳]昔人有隱華山服亢藁之葉以成亢藁之精久而服之乃為羽化。[无上秘要]五光七白靈蔬者薤菜也法當種薤菜使五月五日不掘拔者唯就

洛汝竟原卷之二蔬類 薤

鋤壅護治之經涉五年中乃取任藥各為五光七白靈

蔬〔酉陽雜俎〕仙藥有八天赤薤〔列仙傳〕務光服蒲

薤根〔埤雅〕薤宜白輒良地種法一本率七八支諺曰

蔥三竈四言種蔥者三枝一科竈卽四之也支多者科

輒圓大故以七八為率〔本草衍義〕薤葉狹而光古人

言薤露以其光滑露易墜也〔農書〕薤生則氣辛熟則

甘美種之不蠹食之有益〔晉書〕庾亮噉薤留白云可

以種〔酉陽雜俎〕山上有薤者下有金

薤

春秋運斗樞〔璇星〕散而為薤〔禮〕諸侯燕食所加三十

一物終薤桂〔檀弓〕曾子曰喪有疾飲酒食肉必有草

木之濕焉以為薤桂之謂也〔史貨殖〕詩千畦薤與千

戶侯等〔說文〕薤禦濕菜也〔王安石〕字說薤〔同〕疆我

者也於毒邪臭腥寒熱皆足以禦之〔清異錄〕生薤名

百辣雲〔彙苑〕詳註薤一名番韭〔方言〕薤之小者謂

之穰菜〔朱晦菴〕咏子薑詩注本草載薤久食去臭氣

通神明或云傷心氣不可多食者非〔正字通〕因其新

芽曰子薑或因其初生如列指狀尖色微紫曰紫薤宿

根復種為母薑〔格物論〕薤葉似竹箭葉而長兩兩相

對苗青根黃無花實〔呂氏春秋〕和之美者陽濮之薤

〔淇舜〕俞老圃賦〔酣糟〕紫薤之芽〔異物志〕廉薤生沙

石中南人以爲薤鄭樵曰似山薑而根大〔志林〕唐人

煎茶用薑清異錄釋鑿興天台山人居頌糟雲上筋謂糟薑也

菱

韻略菱香菜也蔬譜根軟而白多鬚綫綫然故謂之菱博物志張騫使西域得胡菱俗呼蓂菱鄴中記

石勒改胡菱為香菱今呼為鹽菱格物論胡菱根苗莖葉皆細可作羹冬蔬也一種石胡菱止堪入藥非此

江南野錄俗傳種胡菱口誦猥語則茂皇祐館閣中或談論則曰宜撒胡菱一蓮

薺

詩國風其甘如薺本草薺生濟濟故謂之薺釋家取

其莖作挑燈杖可辟蚊蛾謂之護生草爾雅薺莫大

薺註薺葉細俗呼之曰老薺又薺薺實食物本草小

者為薺大者為薺莫又名薺薺又名大薺邢昺爾雅

疏薺味甘人取其葉作菹及羹亦佳師曠古術歲欲

豐甘草先生謂薺也通志薺甚小自生園圃郭滉

高力士外傳力士流巫州見薺菜土人不解弊賦詩云

兩京秤斤買五溪無人采夷夏雖有殊氣味應不改使

拾之為羹甚美東坡與徐十三書今日食薺甚美夫

然之珍不甘於五味而有味外之美陳達叟疏食譜

東坡有食薺法且曰天生此物為幽人山居之福野

菜譜江薺臘月生又有倒灌薺碎木薺蒿柴薺掃帚薺

爾雅薺莫大

莧

〔正字通〕正二月開花名蝴蝶薺俗呼地英菜

易夬五爻莧陸夬夬宋衷注莧菜柔脆之物程子易傳陸馬齒莧也〔爾雅〕蕒赤莧郭註赤莧一名蕒今莧菜

之赤莖者也〔張揖廣雅〕蕒音耳馬莧也〔學齋佔畢〕

董遇注易曰莧人莧也余意世有稱馬齒莧者故以人

字別之及見本草云莧實一名馬莧行義曰苗又謂之

人莧紅色者謂之紅人莧後又別載馬齒莧然後詳人

莧馬莧之別〔高濂野菽品〕野莧夏采熟食拌粉炒食

俱可比家莧更美〔蔬譜〕赤莧一名花莧又紫莧色白

而大者名白莧又野莧謂之細莧一名胡莧北方呼為

練莧又黑汁者名墨莧又馬齒莧苗與家莧別一名五

方作紺珠方草一名長命縷一名九頭獅子草又俗呼青

箱苗為雞冠莧亦可食〔奇書〕馬齒莧一名醬瓣草

紺珠鼠齒莧灰莧〔字說〕莧除瞿〔孟貫藥性論序〕紅

莧為跋鱉之還丹〔方書〕青泥殺鱉得莧復生故食鱉

忌食莧〔博物志〕五六月取生鱉到如葦子搗赤莧汁

合和以茅包之投地中經旬鬱成鱉

茄

芝田錄隋煬帝改各茄子為崑崙紫瓜方家治瘡方謂

之草鱉甲〔格物論〕茄凡三色青紫白一名落蘇五代

貽子錄作酪酥〔清異錄〕落蘇各崑崙味〔酉陽雜俎〕茄

子熟者食之厚腸胃動氣發疾根能理竈疾足根凍瘡也

南茄。子宿根成樹高五六尺有新羅種者色稍白形如

雞卵。花木考。大食國茄樹高丈餘經三四年不萃子

大如西瓜重十餘觔以梯摘之。物類相感志。茄樹開

花時取葉布路旁以灰圍之則結子多謂之嫁茄。黃

山谷集。茄之老者如穀名穀子茄又有謝送銀茄詩

滇南雜記。緬茄出緬甸大而色紫蒂圓整蠟色者佳今

會城絕不可得多以小者於蒂上刻人物鳥獸之形過

滇中者多市之而滇人亦以此贈遠。蔬譜。白者各湯

海茄大如瓠又一種白而扁謂之番茄一種水茄形稍

長甘而多津。南史。梁蔡樽在吳興齋前自種白莧紫

茄以為常餌。農書。茄視他菜最耐久供膳之餘糟鹽

豉醋無所不宜須廣種之。

苦菜

禮月令。孟夏苦菜秀。爾雅。茶苦菜。疏。味苦可食之菜

也一名茶草。一名選。一名游冬。陸璣詩疏。苦菜生山

田及澤中得霜甜脆而美所謂莖茶如節內則云濡豚

包苦用苦菜是也。易緯。苦菜生於寒秋經冬歷春乃

成。顏氏家訓。茶葉似苦苣而細斷之有白汁。唐本

草注。吳葵。卽關河間謂之苦菜者。升菴外集。俗作鶩

兒菜。又名野苦蕒。

蕒

詩魯頌言采其茹。陸疏江東或謂之水葵。朱註茹鳧葵也。江南人謂之蓴菜。埤雅蓴菜水性滑故謂之蓴菜。顏氏家訓蔡邕父諱純遂呼蓴菜為露葵。庶物異名疏。鮑韻藻謂即蓴菜又名水葵。蔬譜一名錦帶。一名馬蹄草。齊民要術蓴性易生種以深淺為候水深則莖肥葉少水淺則葉多莖瘦。格物論蓴生水中葉似鳧葵一名懸葵。春生莖而未生葉各雉尾蓴細長肥滑三月至八月葉舒長細如錢股各絲蓴九月至十一月各猪蓴一名龜蓴又有石蓴絲最繁。偃曝談餘春蓴如亂髮不足異秋蓴長丈許凝脂甚滑季鷹秋風正饒此也。墨莊漫錄杜子美祭房相國九月用蓴鮓

之美蓴生於春至秋則不可食不知何謂而張翰亦以秋風動而思蓴鱸固秋物而蓴不可曉也。長箋入秋為油蓴。雞跖集蓴入七八月中食有蝸蟲故也。至十月冰凍蟲死雖老猶可食。酉陽雜俎蓴菜之根絕美江東謂之蓴龜。野客叢談陸機曰千里蓴羹。里地名在建康境上其地所產蓴菜甚佳。菰

周禮食醫魚宜菰。說文蔣菰也。廣雅蔣菰其米曰彫胡。西京雜記大液池雕胡紫籜綠節菰之有首者謂之綠節。彙苑蔣又名菱白葉如蒲葦中心生白葦如小兒臂為菰米臺中有黑者為烏鬱下澤處曰菰。

葑苗莖硬者曰菰蔣秋實即彫胡米也。雷青日札鳥鬱俗名灰菱自有一種米菱其不能結實者菱白也。學圃雜疏菱白以秋生吳中一種春生曰呂公菱以非時為美初出時煮食甜軟據爾雅翼云苽即菰蔣之類曰菰首者即今之菱白也然菰實有米而今菱白未聞有之或者野菱乃生米也。廣志菰可以為席溫於蒲。升菴外集管子謂之雁膳以雁食之也。

芹

爾雅芹楚葵。郭註今水中芹菜。詩經言采其芹。周禮醢人加豆之實芹菹兔醢。呂氏春秋菜之美者雲夢之芹。本草注荻芹取其根白色赤芹取其莖葉堪

作菹又有馬芹俗謂胡芹其子可調飲食。蔬譜旱芹生平地紫芹生陰崖陂池近水石邊。本草水芹一各水英陶注二月三月作英時可作菹及淪食之又有渣芹可為生菜亦可生噉。爾雅翼白芹舒斲多有之士人呼為白芷。龍城錄魏徵好嗜醋芹。

蕨

詩召南言采其蕨。爾雅蕨鼈蔬蕨一各鼈初生無葉可食。陸璣草木疏蕨山菜也周秦曰蕨齊魯曰鼈初生似蒜莖紫黑色。埤雅蕨狀如大雀拳足又如足之蹙故謂之蕨俗云初生者亦類蟹脚故亦名蟹也。廣雅此蕨蕨也。本草紫蕨似蕨有花而味苦謂之迷蕨。

三蒼謂之紫蕨。格物論蕨根如紫草莖亦青紫色未
如小兒拳二三月山中人採作茹食之。曲洧舊聞具
茨山亦產蕨採藥者曰其根即黑狗脊也具茨人雖採
蕨為蔬茹然不知其名但呼為小兒拳。搜神記郗鑒
出獵有甲士折一莖蕨食之成疾吐出一小蛇懸屋前
漸乾成蕨乃知此物不可生食。窮幽記猿啼之地多
蕨每一聲遽出萬莖。

蕨

史伯夷傳登彼西山兮采其薇矣。儀禮公食大夫禮
銅莖豕以薇。爾雅薇垂水。邢昺疏草生於水濱而枝
葉垂於水者曰薇也。草木疏蕨山菜莖葉似小豆莖

生味如小豆藿可羹亦可生食今官園種之以供宗廟
祭祀。本草蕨有二種生原谷似柳葉者白薇也生水
傍葉似萍者薇也。朱子詩傳蕨似蕨而差大有芒而
味苦山間人食之謂之迷蕨。月令廣義薇即今灰條
菜紅者佳白曰蛇灰有毒。演繁露說文薇似藿藿豆
也豆葉本圓而末尖皮微皺澀薇葉正與之肖山中極
多吾鄉俗呼苦遮味苦以芘火肉最相諧宜其苗春則
盛發至秋老硬然不萎死雖雪中亦可采也采薇之詩
曰薇亦作止謂春而苗茁也薇亦柔止謂及夏而天脆
也薇亦剛止謂霜露降而苗葉堅勁也。拾遺記咸寧
中立芳蔬園於金墉城東多異菜有菜曰雲薇有實如

珠五色色紫爲上蔬味辛色黃爲中蔬味甘色青爲下
蔬味鹹宮人採帶其莖香氣不歇

苜蓿

史記大宛國馬嗜苜蓿漢使得之種於離宮 西京雜
記苜蓿一名懷風一名光風風在其間嘗蕭蕭然茂陵
人謂之連枝草 庶物異名疏苜蓿胡中菜張騫得之
西戎子過臨濟間見其花紫而長初枝可作羹和麵花
已則刈送驢前矣時乾煨諸禾悉槁惟此獨茂何大復
詩沙寒苜蓿短以其惡水也 詞林海錯苜蓿爾雅注
作藪苜漢志作日宿 正字通苜蓿二月生苗一科數
十莖一莖三葉葉似決明小如指頂可茹秋後結實黑

房米如稗俗呼水粟 本草苜蓿北人甚重江南人不
甚食以其無味也 陸深蜀都雜抄古稱黎杖黎卽苜
蓿養之歷霜雪經一二歲其本修直生鬼面可杖取其
輕而堅

蘆菔

爾雅葵蘆菔郭註菔宜作菔邢疏紫花菔也俗呼溫菔
葉似蕪菁大根一名葵俗呼菔葵一名蘆菔今謂之蘿
蔔 孫愐唐韻魯人名菔 遠秦人名蘿菔 農書北人
一種四名春日破地雖夏日夏生秋日蘿菔冬日土酥
埤雅蘆菔一名菜菔又名來服言來楚之所服也
學圃雜疏蘿菔須長而白如雪甜而消如梨者乃稱絕

品 後漢劉盆子傳掘庭中蘆葍根食之 澄懷錄劉
禹錫餽白樂天蘆葍鮮換取六斑茶 東坡雜記偏頭
疼方用生蘿蔔汁一規殼注鼻中即愈 清異錄王爽
不許子弟仕宦止令種火田玉乳蘿蔔壺城馬面菘每
年可致十緡 金幼孜北征錄交河北有沙蘿蔔根長
二尺許 蔬譜水蘿蔔淡脆可生食 奇書胡蘿蔔元
時始自胡地來 蔬譜生沙壤者脆而甘生瘠地者堅
而辣可生可熟可菹可醬可醬可豉可醋可糖可腊蔬
之最有益者 洞微志齊州有人病狂云夢中見紅裳
少女引入宮殿中其小姑令歌遂歌云五靈樓閣曉玲
瓏天府由來是此中惆悵闕懷說不盡一丸蘿蔔火吾

宮一道士解之云少女心神小姑脾神火毀也醫經言
蘿蔔制麵毒故口火吾宮此犯大麥毒也以藥並蘿蔔
治果愈

蔓菁

詩國風采葍采菲註葍蔓菁也 蔬譜蔓菁一名蕪菁
呂氏春秋菜之美者具區之菁 草木疏蔓菁幽州
人或謂之芥 埤雅今俗謂之臺菜 劉禹錫嘉話錄
諸葛武侯將軍所止必令兵士皆種蔓菁云有六利纔
出甲可生啖一也葉舒可煮二也久居則隨以滋長三
也棄不令惜四也回即易尋而采之五也冬有根可剗
食六也故蜀人呼蔓菁為諸葛菜 蔬譜人久食蔬菜

無穀氣卽有菜色食蔓菁者獨否蔓菁四時皆有四時皆可食春食苗初夏食心亦謂之臺秋食莖冬食根數口之家能蓄數百本亦可終歲足蔬子可打油然燈甚明每畝根葉可得五十石每三石可當米一石是一畝可得米十五六石則三人卒歲之需也
〔本草〕李時珍曰別錄以蔓菁蘆菔同條致諸說猜度或以二物爲一種或謂在南爲菘菘在北爲蔓菁今按二物根葉花子俱別非一類也蔓菁是芥屬蘆菔是菘屬
〔酉陽雜俎〕婺州澠清簡園中蔓菁變爲蓮
〔爾雅翼〕蔓菁園中無蜘蛛是其所畏也

高苣

清異錄高苣名千金菜尚國使者來隋人求得菜種酬之甚厚故名
〔格物論〕高苣菜有白苣葉有白毛有紫苣有苦苣卽野苣也味苦又名福苣今人家常食者白苣江外嶺南無白苣嘗植野苣以供廚饌
〔蔬譜〕高苣四月抽臺高三四尺剝皮生食味清脆糟食甚佳江東人謂之苣筍
〔學圃雜疏〕高苣絕盛於京口醃食脆美卽旋摘烹之亦佳
〔本草〕高苣有毒百蟲不敢近蛇虺觸之則目瞑不見物人中其毒薑汁解之
〔類山〕胡扇卽苦苣菜

菠薐

本草菠薐一名波菜一名波斯菜一名赤根菜
〔唐會

要貞觀中泥婆羅國獻菠薐酢菜嘉話錄菠薐本自

西域中來韋絢曰豈非出頗稜國而語訛為菠薐耶

清異錄鍾謨嗜菠薐菜文其名曰雨花菜又以萋蒿菜

菴菠薐為三無比格物論菠薐莖微紫葉圓而長綠

色性冷利五臟通腸胃蔬譜菠菜味甘美四月起莖

尺許開碎白花有雌雄雌者結實種樹書菠薐過月

朔乃生今月初一二間種與二十七八間種者皆過來

月初一乃生

諸菜

陸璣詩疏莫莖大如箸赤節節一葉似柳葉厚而長有

毛刺味酢而滑始生可為羹又可生食五方通謂之酸

迷冀州人謂之乾絳河汾之間謂之莫邢昺爾雅疏

菲一名蕙菜郭云生下濕地似蕪菁華紫赤色可食一

爾雅勞隱葱郭璞注似蘇有毛藜以為菹亦可淪食

爾雅蕪華竊衣疏蕪華一名竊衣似芹可食實如麥兩

兩相合有毛著人衣俗名鬼麥齊民要術蕪菜味辛

苾菜似蒜生水中菹菜紫色有藤蕪菜葉似竹生水旁

蕪菜似蒼薹菜似烏韭而黃蒼菜生水中太葉呂氏

春秋菜之美者雲夢之葢廣雅葢似蔴生水中南方

草木狀縹菜夏月生池沼間葉類茨菰根如藕食之思

睡呼為瞋菜又蕪菜葉如落葵而小性冷味甘南方之

奇蔬也冷葛有大毒以蕪汁滴其苗即萎死世傳魏武

噉治葛至一尺云先食此菜。漢武內傳西王母曰仙
之上藥有碧芝琅菜。呂氏春秋餘瞽之南有菜名嘉
樹其色若碧。異苑晉安平有越王餘蒜菜長尺許白
者似骨黑者如角古云越王曾於舟中作籌算有餘者
棄之水而生焉。唐書貞觀中健達王獻佛土菜一莖
五葉赤葉紫鬚。西陽雜俎江淮有孟娘菜益益肉食
。盧氏雜記番禺有菜四葉相對晝開夜合名合歡菜
。雲南志蓮花菜出大理府洱河東上滄湖相傳大士
化箭鏃所成。松漠紀聞女真國採白勺藥之芽為菜
以麵煎食之其味脆美。峩嶠山志龍顛菜似椿樹頭
有刺似白芥菜。廣州記雞侯菜似艾二月生宜雞羹

故名。天中記安南有羞菜蔓生水上甘美可食人指
之曰汝羞否卽時憔悴人去青如初。華夷花木考龍
鬚菜出萊州繁生海中石上莖如繒色始青取之沃以
水乃白一名繒菜又高河菜點蒼山高河泉所出高河
乃龍湫若高聲採之則雲霧風雨。廣州記冬風菜陸
生宜配肉作羹。海錄碎事醜醜菜葉似道人頭根如
水芹味甘香。本草醜醜菜似牛皮蔓生指之有乳汁
出香甜入頂又有蕞菜茅膏菜金針菜劉隱菜。遁甲
開山圖遼東有襄平山多饒鬼目之菜生而有神虎龍
蛇大魚守之雲氣覆之食之令人不死。晉書吳太紀
三年建鄴有鬼目菜于工黃狗家生依綠棗樹長丈餘

莖廣四寸厚二分又有賈菜生吳平家高四尺如枇杷形上圓徑一尺八寸莖廣五寸兩邊生葉綠色草木狀合浦有菜名優殿以豈醬茹食之甚香美菜苑羅漢菜出蘄州三角山又石花菜一名壞枝卽越中鹿角菜之類庶物異名疏謝華啓秀云燕蓐蔬嶺南各燕窩菜海燕拾海上無毒香蔬結巢燕去巢後人取而煮食之其味芳香脆美在百蔬之上按此別是一種非今之燕窩也王世懋閩部疏燕窩菜竟不辨是何物漳海邊有之蓋海燕所築銜之飛渡海中翻力倦則擲置海面浮之若杯身坐其中久之復銜以飛多爲海風吹泊山澳海人得之以貨升菴外集淡菜絕類女殺

遜齋閒覽蕘菜來自東夷古淪國以蕘盛之譯不通

但言蕘菜事物原始金線菜卽今之金線頭菜也

東坡詩序菜之美有吾鄉之巢故人元脩嗜之因謂

之元脩菜放翁詩序巢菜乃蜀蔬大巢豌豆之不實

者小巢生稻畦中所謂元脩菜是也吳中名漂搖草一

名野蠶豆坡詩注豐湖有臙脂藤菜滑美大類蓐

藁苑石髮吳越有之然以新羅者爲上彼國呼爲金毛

菜益部方物略記真珠菜戎瀘等州有之生水中石

上翠縷織蔓首貫珠蜀人以蜜熬食之或以鹽煮可致

數千里不壞紺珠海菜出遼東藤菜出豐湖紫菜

生海中石上野菜譜明有菜名雪裏燕雪深諸菜

凍損此菜獨青又有破破衲。呱呱兒。絲蕎蕎。板蕎蕎。猪
殃殃。油灼灼。看麥娘。燕子不來香。燈蛾兒。天藕兒。狗脚
迹。猫耳朵。鴈腸子。老鸛筋。諸菜名。

格致鏡原卷六十三終

格致鏡原卷六十三

蔬類二

蕈 附木耳 蘑菇

爾雅

爾雅中。地蕈。郭註。地蕈似蓋。今呼土菌。可啖。一

名。地蕈。孫炎曰。地蕈。子或各地。雞亦各。獐頭。潛夫論

中堂生負苞。注。負苞。朽木菌也。說文。蕈。桑。藂也。謂菌

生木上也。呂氏春秋。和之美者。越。駱之菌。北史。魏

正始二年八月。有物出於太極之西序。崔光以爲案。其

形卽莊子所謂蒸成菌者也。又云。朝菌。不知晦朔。雍門

周所稱磨蕭斧。而伐朝菌。指言蒸氣鬱長。非有根種。柔

脆之質。彫殞速易。不延旬月。無擬蕭斧。又多生墟落。穢

濕之地罕起殿堂高華之所而茲菌歛構厥狀扶蘇誠足異也
〔西陽雜俎〕宋州莆田縣破崗山唐武宗二年巨石上生菌大如合簣莖及蓋黃白色其下淺紅盡爲過僧所食云美倍諸菌

〔陳仁玉菌譜〕合葦出仙居韋羌山褐色肌理玉潔薈味發釜鬲聞百步外凡菌皆無香獨合葦香與味稱始名台葦昔嘗上進標以台菌上遙見誤讀作合因承誤云年來既充苞貢山獠得善價率曝乾以售罕獲生致孟溪山中亦同時產惟葦柄高無香氣土人以是別於韋羌焉稠膏葦出邑西北孟溪山秋中雨露浸釀山膏木腴倍爲菌花戢戢多生山頂樹杪初圓瑩類

酥滴乳淺黃白色味尤甘服已乃傘張大幾掌味頓渝矣春時亦間生稠膏得各謂稠木膏液所生也嘗法當徐下鼎沸伺涓沸漉起謹勿七撓撓則凝腥性參和衆味而特全於酒或欲致遠則復湯蒸熟貯之瓶罌粟殼葦寒氣至稠膏將盡則栗殼其續也松葦生松陰採無時竹葦生竹根味極甘麥葦多生溪邊沙壤鬆土中俗名爲麥丹味殊美絕類北方摩姑玉葦生山中初寒時色潔皙如玉作羹微韌俗名寒蒲葦黃葦叢生山中梳鬱黃色俗名黃纒葦又有名黃狔者殊峭硬有味紫葦頰紫色俗名紫富葦品爲下四季葦生林木中味甘而肌理麤峭不入品鵝膏葦狀類鵝子久乃繳開味殊甘

滑然易與杜葦相亂。滄之恒廣菌譜。杉菌出宜州生積年杉木上。雷葦出廣西橫州。雷過卽生。須疾採之。稍遲則腐。或老天花。葦出五臺山。形如松花而大於斗。西陽雜俎。江淮有竹肉。味如白樹雞。一名竹蓐。荆溪疏。竹茹葦也。小如錢。赤如丹砂。風味極佳。本草。蕈菌。李時珍曰。當作萑。乃蘆葦下所生菌也。清異錄。保太。中村民於爛木上得菌。幾一擔。狀如蓮花葉。而色赤黃。因呼題頭菌。正字通。冬春之交。斫楮楠木。以米汁沃之。而生。兩雪多。則盛香者。曰香葦。出閩粵。北方有磨菽羊肚。俗曰地葦。稽神錄。豫章人好食葦。有黃姑葦者。尤爲美味。成都記。綿州淨慧寺。近池人多捕魚爲業。

僧惠寬與受戒。且曰。爾輩不當以此爲給。吾能令汝所得。不失於舊。因指其池畔。盡生菌。葦漁人採之。省力得利。後人呼爲和尚葦也。升菴外集。雞菌。菌如雞冠也。故雲南名佳菌曰雞。塢鳥飛而斂足。菌形似之。故以雞名。有以也。七修類藁。雲南土產地葦。詩書本菌子也。而方言謂之雞宗。以其同雞。烹食至美。之故。予問之士。人云。生處蟻聚。叢之。蓋以味香甜也。物類相感志。菸葦生西海曲中。芟蔓長百餘尺。細葉而葩大如盂。椀紫赤色。夜沈於水。實如雞卵白色。雲仙雜記。齊文宣帝。凌虛宴。取香菌以供。品味有銅釘菌。分絲菌。

異菌 內觀日疏。謝幼貞嗜菌。庭中忽生一菌。狀若飛。

鳥沈子玉曰此謂禽芝以處女中單覆之則活煮食之
可數百歲謝入取中單有鄰女乞火跨之翩然飛去謝
但嘆恨而已 珍珠船李涼公鎮朔方有毗園樹下產
菌一本其大數尺上有樓臺中有二叟對博刻成三字
曰朝樂觀公令毗掘地數尺有巨蟒目光如鏡吐沫成
菌

毒菌

〔菌譜〕杜菌生土中俗言毒蠱氣所成食之殺人
凡中其毒者必笑解之宜以苦茗雜白礬勺新水咽之
立愈 避暑錄楓樹菌食之笑不止俗名笑菌 清異
錄菌有一種食之令人乾笑者士人戲呼爲笑矣乎
陳氏拾遺南夷懸尸於樹汁滴入地主菌子收之各菌

藥毒人至酷 一北夢瑣言江夏漢陽縣出毒菌號茹菌
非茅蒐也每歲供進縣司常令人於田野間候之苟有
此菌卽立表示人不敢從下風而過避其氣也採之日
以竹竿芟倒遽捨竿於地毒氣入竹一時爆裂直候毒
歇仍以櫟柳皮蒙手以取用瓊包之亦櫟柳皮重裹縣
宰封印而進其賫致役夫倍給其直爲其道路多爲毒
薰以致頭痛也張康隨侍其父宰漢陽備言之人有爲
野菌所毒而笑者煎魚椹汁服之卽愈僧光遠說也
五雜俎凡菌爲羹照人無影者不可食夷堅志載金溪
田僕食輩嘔血死唯丘岑幸以痛飲而免蓋酒能解毒
也

木耳

說文蕈音木耳也

本草木耳一名木樞一名

木菌一名樹雞一名木蛾亦曰木蠖

齊民要術木耳

煮而細切之和以薑橘可為菹滑美

紺珠木耳桑椿

榆柳槐木上六月多雨則生桑上生白耳名桑鵝又石

耳生廬山石上似木耳西陽雜俎郭元振嘗山居中

夜有人面如盤瞋目出於燈下元振了無懼色徐染翰

題其頰曰久戍人偏老長征馬不肥元振之警句也題

畢吟之其物遂滅久之元振隨樵閉步見巨木上有白

耳大如數斗所題句在焉

蘑菇

高濂野菽品採取曬乾生食作羹美不可言竹

茹更鮮美廣菌譜本小末大白色柔軟其中空虛俗

各雞足蘇菇

芋

總論

援神契仲冬昴星中收芋

本草一名土芝一

名蹲鴨

前漢食貨志卓氏曰岷山之沃野有蹲鴨至

死不飢乃求遷於臨邛註芋魁狀若鴨蹲坐故名說

文芋齊人呼為菰

廣雅青烏芋也

詞林海錯康巢

縣呼芋頭為天何生

東方朔傳關中土宜薑芋

翟

方進傳王莽時汝南鴻隙陂童謠曰飯我豆食羹芋魁

澄懷錄李華燒三城絕品炭以龍腦裹芋魁煨之擊

爐曰芋魁遭遇矣

影燈記洛陽人家上元各造芋郎

君食之宜男女

東坡集子過出新意以山芋作玉糝

羹。蔬譜吳郡所產大者謂之芋頭。嘉定名之博羅。旁生小者謂之芋嫻。夢溪筆談人有為蜂螫者按芋梗傳之則愈。海錄閩阜山僧勤種植收芋甚多。柝之如泥造擊為牆後遇飢數十口俱活。呂祖謙臥游錄本草謂芋益氣充飢。惠州富此物。然人食之者不免瘴。此非芋之罪也。芋當去皮濕紙包煨之火過熟乃熟。噉之則鬆而膩。乃能益氣充飢。今惠州人皆和皮水煮冷啖。堅頑少味。其發瘴固宜。

芋類

廣志君子芋。大如斗魁。淡善芋。大如瓶葉如葢。

細色紫莖又有百菓芋。雞子芋。車轂芋。鉅子芋。勞巨芋。青氈邊芋。風土記博士芋。蔓生根如鵝鴨卵。益部

方物略記赤鷓芋。形長而圓。味最美。蠻芋子繁。衍博果芋品最下也。物類相感志野芋。狀小於家芋。博物志野芋食之利人。蓋蘇也。今江浙石生土芋。狀磊砢。自實若天雷。頭則多生若耕種欲取不得。名之若呼芋字。則遠巡不見矣。本草旱芋。山地可種。水芋。水田時之。酉陽雜俎雀芋。狀如雀頭。置乾地反濕。置濕地反乾。飛鳥觸之。墮獸食之。僵造酒家以其汁封甕頭。曰奚頭。其酒易醉。羣芳譜香芋。形如土豆。而未甘美。煮熟可下茶。後山詩話本草褚魁注黃獨肉白皮黃。巴漢人蒸食之。江東謂之土芋。江西謂之土卵。類芋魁云。酉陽雜俎天芋。生終南山中。葉如荷而厚。

薯蕷

負暄雜錄山藥本名薯蕷。唐代宗諱豫改名薯藥。宋英宗諱曙改名山藥。孫真人千金方薯蕷生於山者名山藥。秦楚之間名玉延。藝文類聚吳氏曰薯蕷一名諸薯。異苑薯蕷入藥又復可食野人謂之土薯。若欲掘取嘿然而獲唱名者便不可得。清異錄淇薯藥稱最大者號天公掌。次者號拙骨羊。又蜀孟昶月旦必素食性喜薯藥。左右因呼薯藥為月一盤。侯寧藥譜山藥曰銀條。德星。本草經薯蕷一名山芋。益氣力長肌肉除邪氣。曲洧舊聞虎頭巖在真君觀西巖北有一谷幽深而險道人沈天休言頃年採藥其中糧絕掘山

藥煮食見一藤引蔓甚遠而葉亦特大疑其非也乃共掘之大如杜長數尺蓋亦山藥也大莖可享半月戲口為玉柱其後玉柱之名稍著鬻山藥者利其易售皆冒玉柱之名然其實不知本末也。物類相感志薯蕷江南人多植之手植則如手鉏鋏等物植之隨木物之形狀。硯北雜志俗傳種山藥時以足佞之如人足

甘藷

南方草文狀甘藷薯蕷之類葉如芋實如拳有大如甌者蒸食味同薯蕷生朱厓海中人業耕稼惟種甘藷秋熟蒸曬切如米貯以充飢名藷糧外客至盛具牛豕膾炙而未薦以甘藷若粳粟然海中之人壽百餘歲緣

食甘藷故耳。〔廣志〕甘藷剝去皮肉肥白南方以當米穀賓客亦設之出交趾。〔徐玄扈〕甘藷疏。閩廣藷有二種一名山藷彼中故有之一名番藷有人自海外得此種海外人亦禁不令出境此人取藷絞入汲水繩中因得度海分種移植遂開閩廣之境兩種莖葉多相類但山藷植援附樹乃生番藷蔓地生山藷形魁壘番藷形圓而長其味則番藷甚甘山藷稍劣。〔清異錄〕嶺外多藷間有發深山邃谷而得之有數十斤者味極甘香人多自食未嘗貨於外本名玉枕藷又號三家藷。〔蔬譜〕甘藷一名朱藷一名番藷形圓而長本末皆銳質理膩潤氣味甘平無毒補虛乏益氣力健脾胃強腎陰與薯

蕷同功久食益人氣香生時似桂花熟者似薺燕藷攪地傳生一莖蔓延至數十百莖節節生根一畝種數十石勝種穀二十倍。〔甘藷疏〕甘藷有十二勝收入多一也色白味甘藷土種中特爲最絕二也益人與薯蕷同功三也遍地得生剪莖作種今歲一莖次年便可種數十畝四也枝葉附地隨節生根風雨不能侵損五也可當米穀凶歲不能災六也可充籩實七也可釀酒八也可乾久收藏屑之旋作餅餅勝用餉蜜九也生熟皆可食十也用地少易於灌溉十一也春夏下種初冬收入十二也葉極盛草穢不容但須壅土不用鋤耘不妨農工十二也。

百合

吳氏本草百合一名重邁一名中庭一名重匡生宛胸及荆山清異錄天成中進士侯寧各百合為蒜臘譜八閩志強瞿百合也俗呼倒仙又名玉手爐戒菴漫筆百合有麝香珠子二種麝香者花甚香珠子者每葉有一黑子分百合八月中與種蒜同時同法華夷花木考都波不知耕稼土多百合取其根以為糧

茨菰

學圃雜疏茨菰古曰鳧茨種淺水中夏月開白花秋冬取根食味亞於香芋物類相感志菲實一名慈姑其苗直而葉三角側鏡若種之於水田一株十二實若年

歲之有閏則生十三子今人家池塘處處有之

葶薺

學圃雜疏葶薺印地粟種淺水吳中最近遠貨京師為珍品色紅嫩而甘者為上七脩類稿葶薺淹銅過夜即爛

壺盧

詩南風八月斷壺註壺瓠也小雅幡幡瓠葉衛風齒如瓠犀瓠雅似匏而圓曰壺亦曰壺盧古今注壺盧瓠之無柄者本草壺酒器盧飯器此物各象其形故名俗作葫蘆捫蝨新語中流失船一壺子金壺蓋瓠類也詩自八月斷壺壺圓而善浮故腰之以渡水也

俗效瓠類葶薺壺盧

風俗通八月秋穰可以致瓠取其色澤而堅
爾雅瓠
棲瓣邢疏瓣瓠中瓣也一名瓠棲人之齒美者似之
藁苑瓠亦瓠也瓠其總瓢其別名也
劉氏類山青田
瓠大踰五斗剖之以水實中則成蜜
世說陸士衡兄
弟初見劉道真道真初無言直問東吳有長柄葫蘆卿
得種來否
南史徐文伯祖熙隱於秦望山有道士過
求飲畱一瓠瓠與之熙開之乃扁鵲鏡經一卷因精心
學之遂名震海內
晉公遺語唐世風俗重葫蘆醬
盧氏雜說鄭餘慶清儉一日名客會食呼左右曰處方
廚家爛蒸去毛莫拘折項諸人相顧以為必蒸鵝鴨之
類良久就餐每人前下蒸葫蘆一枚
夢華錄京師八

匏

月秋社人家婦女皆歸外家既歸卽外甥姨舅皆以新
葫蘆兒爲遺俗云宜良外甥
五雜俎市場中見葫蘆
多有方者又有突起成字爲一首詩者蓋生時板夾使
然不足異也
清異錄瓠少味無韻葷素俱不相宜俗
呼淨街槌
農書瓠之爲用甚廣大者可蜜煎作果可
削條作乾小者可作盆盞長柄者可作噴壺亞腰者可
盛藥餌瓠之爲物累然而生烹飪咸宜最爲佳蔬種得
其法則其實碩大小之爲壺杓大之爲盆盞膚瓢可以
喂猪犀瓣可以灌燭舉無棄材濟世之功大矣
埤雅
長而瘦上曰瓠短頭大腹曰匏匏苦瓠甘
劉向九歎
匏盤囊於筐篚注匏盤兒瓢也
學圃雜疏匏子瓜類

各款匏類
瓠類
瓠類
瓠類

也大而扁者可食小而長作細腰者可玩瓠子匏類也
形稍長銳上豐下味似勝之
物類相感志匏瓠蔓生
若牛踏土則苦不可食馬踏土以瓠盛酒冬月卽煖夏
月卽冷今種瓠處得黍穰卽烟死

瓜

總論

易姤五爻以杞包瓜

詩豳風七月食瓜

曲

禮爲天子削瓜者副之巾以撝

玉藻瓜祭上環註上

環謂橫切之圓如環也

大戴禮五月乃瓜乃瓜者治

瓜之辭也

說文瓜象形也瓣瓜實也

元命苞織女

星主瓜

稽含瓜賦

甘瓜普植用薦神祇其名龍膽其

味亦奇是謂土芝

爾雅瓠其紹瓠郭注俗呼瓠瓜

爲瓠紹者瓜蔓縮亦著子但小如瓠邢疏瓜之族類本
有二種大者曰瓜小者曰瓠此則其種別也而瓜蔓近
本之瓜必小於先歲之大瓜以其小如瓠故謂之瓠瓠
是瓠之別名
清異錄瓜子最繁故名瓜爲百子矣
龍魚河圖瓜有兩鼻者殺人
埤雅瓜性惡香尤忌聞
麝至一帶不收
珍珠船唐鄭注赴河中姬妾百餘盡
騎香氣數里逆於人鼻是歲自京兆至河中所過瓜盡
死一帶不獲
清異錄嘗因會客食瓜言最惡麝香坐
有延祖曰是大不然吾家以麝香種瓜爲鄉里冠但人
不知制伏之術耳因求麝二錢許懷去後旬日以藥末
攪麝見送每種瓜一窠根下用藥一捻旣結破之麝氣

撲鼻次年種其子名之曰土麝香。歲時記七月七日設瓜於庭中以乞巧有喜子布網於瓜上則為得巧。雷青日札七夕乞巧而陳瓜又刻鏤成花名曰花瓜。倦游雜錄山東鄉里好以醬漬瓜略謂之瓜齏。清異錄瓜最盛者無踰齊趙車擔列市道路濃香故彼人云未至舌交先以鼻選。南史宋時齊武帝與到搗同從宋明帝射雉郊野渴倦搗得早青瓜與上對剖食之列仙傳服闋者往來海邊諸祠中見三仙人博賭瓜顧問使擔黃白瓜數于頭教令瞑目及覺乃在方丈山清異錄吳越稱雪上瓜錢氏子弟避暑取一瓜各言子之的數言定剖觀負者張宴謂之瓜戰。唐書四月帝

憶瓜明崇儼索百錢須臾以瓜獻曰得之緜氏老人圃中帝召老人問故曰埋一瓜失之土中得百錢云。五代史後周王羅嘗與客食瓜削皮侵肉頗厚羅意嫌之及瓜皮落引手就地取而食之。莊子朽瓜化為魚物之變也。

詳類 月令孟夏王瓜生註王瓜色赤感火色而生爾雅鉤藤姑郭註鉤瓢也一各藤姑一各王瓜正赤味苦蔓生葉似栝樓根似葛。學圃雜疏王瓜出燕京者最佳其地人種之火室中逼生花葉二月初即結小實中官取以上供唐人詩云二月中旬已進瓜不足奇矣又一種秋生者亦佳閩中二三月間食入夏枯矣。草

木記絲瓜一名子羅。又一名布瓜。學圃雜疏絲瓜北
種為佳以細長而嫩者為美。三輔黃圖邵平為秦東
陵侯秦破為布衣種瓜青門外瓜美時入謂東陵瓜。
述異記吳桓王時會稽生五色瓜今吳中有之。格物
論甜瓜畦種之葉大數寸實亦徑尺許有稜白者斑斑
黃暈黃者斑斑青暈肉白光潔瓢黃色核如米糝而匾
七八月熟味甜香。學圃雜疏甜瓜以香而小者為第
一作黃綠二色豈即邵平所種五色子母瓜耶今涼州
塞外作乾條遺遠人味極甘當是此種。爾雅黃菟瓜
邢疏菟瓜一名黃苗及實似土瓜土瓜即王瓜。爾雅
果羸之實栝樓邢疏栝樓今齊人謂之天瓜。格物論

一種名稱瓜形類絲瓜色白味不及也。一種名冬瓜大
三尺圍長四五尺有毛綠色生自然白粉。學圃雜疏
瓜之不堪生噉而堪醬食者曰菜瓜以甜醬漬之為蔬
中佳味其結實大者無如冬瓜味雖不甚佳而性溫可
食南瓜雖有奇狀殊色僅堪煮食酷無意味。農桑通
訣浙中一種陰瓜宜陰地種之秋熟色黃如金疑即南
瓜也。斐淵廣州記有瓜冬熟名金釵。杜詩注蒲鵝
青謂瓜也。清異錄洛南會昌中瓜圃結五六實長幾
尺而極大者類蛾綠其上皺文酷似蟬形圃中人連蔓
移土檻貢上命之曰御蟬香挹腰綠。陸機瓜賦夫其
種類則有括萋定桃黃瓠白搏金釵密箭小青大斑玄

舒素腕。狸首虎蟠。東陵出於秦谷。桂蠶起於巫山。廣
志。凡瓜之所出。以遼東。廬江。燉煌之種為美。有鳥瓜。魚
瓜。縑瓜。狸頭瓜。密甯瓜。女臂瓜。瓜州大瓜。如斜御瓜也。
青燈瓜。一名魁瓜。大如三斗。桂枝瓜。長二尺餘。蜀地有
溫良瓜。秋泉瓜。廣雅地芝瓜也。其子謂之賺。音龍蹄
虎掌。羊骹。兔頭。桂枝。密甯。臘瓠。狸頭。白瓠。無餘。縑瓜。屬
也。物類相感志石瓜。出峨眉。山巖壑中。或云蔓生。其
支斑然。一若小菜。瓜形。取療脚氣。用之。足下乘碾得暖
則能已氣疾者也。事物紺珠瓜肉曰瓠。瓜子曰犀。有
番瓜。香瓜。生瓜。桑皮瓜。本草經水芝。是白瓜。甘瓜。
清異錄。夷門瓜。品中。澱脚。縮夾。鶉。其色香味可魁本類。

也。格物論一種純青。大者徑四五寸。長八九寸許。肉
亦帶微青色。一種一握而青。長亦四五寸。名曰握青。
異瓜。黃庭經注大霍山下有洞臺。司命君之府也。中
有神盤。靈瓜。食之心通至玄。漢武內傳西王母謂上
元夫人曰。共過朱陵山。食靈瓜。憶此未久。已七千歲矣。
南岳夫人傳真人降。設絳寶靈瓜。六帖積石山瓜。
三年一熟。又大。食國有尋支瓜。大者斗入。食之乃盡。
洞冥記龍肝瓜。長一尺。花紅葉。素生於冰谷。所謂冰谷
素菓之瓜。瓜上恒如霜雪。刮嘗如蜜滓。拾遺記漢明
帝時。燉煌獻異瓜。名穹隆。長三尺。而形屈曲。味美如飴。
本是崆峒靈瓜。四劫一實。西王母遺種於此。清異錄

遼東一處有瓜若澆沃則以酒代水實成破為十段若
屐中止有一子而長數寸食一顆可作十日糧國人珍
之名獨子青拾遺記崑崙第三層有瓜如桂
謂如桂樹也
〔杜陽編〕滄洲產分蒂瓜長二尺色如柑一顆二蒂
續漢書漢安帝時有瓜異本同蒂共生一瓜時以為嘉
瓜〔舊唐書貞元四年夏有神策軍獻瑞瓜三蔓合為
一蒂而生三瓜〕白六帖李融為政有祥瓜生六子而
共一蒂

筍

〔詩大雅〕其藪維何維筍及蒲 〔周禮〕醢人加豆
之實筍菹魚醢 〔爾雅〕筍竹萌也 又筍箭萌也 邢疏即

筍也 〔說文〕竹胎也 〔唐詩注〕稚子即筍也 〔晉書〕
一名萌 一名蕝 竹一名筍 一名籊 一名籊 一名竹胎 一名竹牙
一名茁 一名初篁 一名竹子 〔埤雅〕俗呼筍為如母草
言筍旬有六日而齊母也 〔筍譜〕俗呼筍為龍孫 〔清
異錄〕余為筍效傅休奕作墓誌曰邊幼節 陳景沂全
芳備祖 穉龍 籊龍 玉版 錦棚 兒皆筍名也 仇池墨記
竹有雌雄雌者多筍 〔僧贊寧〕筍譜 竹根曰鞭 鞭頭為
筍 俗謂之偽筍 今吳會間八月鄉人往往掘土採鞭頭
為筍向市而鬻然終傷損春筍而且害竹母 〔梁簡文
七勵〕雜金筍之甘菹 〔廣博物志〕瑤筍十年生一芽
木立虛四明山記 雪竇山北巖有毛竹銀筍 〔述異記

漢章帝三年子母筍生白虎殿前
曲洧舊聞龍福寺門外東偏有脩竹二畝餘有鼠喜食其筍寺僧於筍生時置鼓晝夜鳴之謂之驚鼠鼓
蜀都雜抄山水稱嘉定其地每月生筍
廣志魏時漢中太守王圖每冬獻筍俗謂之箴筍
怪反苦
筍譜採筍之法可避露日出後掘深土取之旋投密竹器中勿令見風以巾拭土不宜見水含殼沸湯瀹之煮宜久採筍一日曰蒿二日日於見風則觸本堅入水則浸肉硬脫殼煮則失味生著刃則失柔採而停久非鮮也盛而苦風非藏也揀之脫殼非治也淨之入水非洗也蒸煮不久非食也
費元祿清課山中竹筍清遠韻勝實蔬食奇品澄羹作脯皆

失真性惟煨剝最良
筍譜或問筍有五色章采否對曰江東黃筍閒居賦有青筍閩中賦有素筍赤筍錢塘多紫桂筍自餘斑狸細縹不可勝言大約不過青綠色
笑林漢人有適吳吳人設筍問是何物曰竹也歸煮其牀簣而不熟乃謂其妻曰吳人輟輒欺我如此
詳類
吳都賦苞筍抽節劉淵林註苞筍冬筍也出合浦其味美於春夏時筍
雷青日札冬筍之已透風有毛者曰貓兒頭
陸璣詩疏筍皆四月生惟巴竹筍八月九月生始出地時長數寸鬻以苦酒豉汁浸之可以就酒及食
南方草木狀思摩竹筍生節上筍既成竹春而筍復生節焉
戴凱之竹譜苞竹筍味落人鬚髮

般腸竹筍。殊味浮。竹筍未出時。掘取以甜糟藏之。極甘脆。雞脛竹筍。美青斑色綠。齊民要術。雞脛竹名也。其筍肥美。贊寧筍譜。郿竹筍。長節深根。冬夏皆生。鄉人掘土取筍。箭筍。十二月生。如筋大。長三四寸。箇。箭筍自越以南。七月生。至八月盡。燕筍。其色紫苞。當燕至時生。天日筍。五月生。盡六月。筍色黃。出天目山。端午後方採。霽竹。王林筍。密密冒土。南地熱。其筍多冬生。孤竹筍。襄陽薤山下有孤竹。三年方生。一筍及筍成。竹竹母已死矣。代謝如春秋焉。旋味筍。一名苦蒲筍。出福州。南春生。筍煮食甚苦。而且澀。及停久則味還。故名。愈竹筍。生海畔山。有毛傷人。則死。泊船海嶼。慎勿取毛筍食。筍竹。

筍

筍長數丈。漢竹筍。一節可受二三斗。味雖甘而澀。筍竹。七月生。至十月出。縉雲以南。味苦而節疎。採剝以灰汁熟煮之。都為金色。然後苦味減而甘。鈞絲竹筍。下廣上銳。味甘可食。發病出南越。叩竹筍。春生出。蜀中羅浮山亦有叩竹筍。生又早。中實食美。慈母山筍。圓緻。三月生。可食。篔筍。皮青而肉皙。白渭川筍。四月方盛。新婦筍。出武林。山陰。三月生。筍八月生。止十一月。皮黑紫色。其心實。人取細切。鹽漬少頃。以漿水漬。再宿。溼乾。餅藏。泥封。謂之筍筍。此亦古之筍菹也。擘摩筍。南人亦藏之。為筍筍。篔筍。堅大可食。自秋生。至於冬未服。傷筍。四月已後方出。味甚美。慈竹筍。四月生。江南人多以灰煮食。

之玳瑁竹筍。脫殼微有斑文。區竹筍。出廬山。出皆區堪
食。水竹筍。出黔南管內。或巖下潭水中。生其筍。隨水深
淺。以成節。若深一丈。則筍出水面。為一節。蠻蜒採取以
為食。又有篋筍。筒筍。白鳥筍。雲丘帝筍。毛竹筍。神異
經。南方荒中有涕竹筍。甘美。煮食之。可以止割癆。
異錄。海南島中一種筍。極腴厚。而甚短。號平頭筍。衡州
人家竹林中生。五筍。徹梢無節目。觀者神之。名通天筍。
新羅論。迦邏島有筍。曰佛影。蔬中國。雖大無此一種。
正字通。杭州筍。大如桶。墜地即碎。南岳筍。黑而肥。多汁。
搗成餅乾。食。天目廬山拳筍。小黃竹筍也。
狀如魚。一各木魚。又潭筍。鹿尾筍。鷹嘴筍。
紺珠櫻筍。范旻邑筍。

記有鹿頭筍。顧岍海槎錄。酸筍。出粵南。大如臂。澆
泡去苦。汁投井水中。二三日。取出。縷如絲。醋煮可食。
陳藏器本草。諸筍皆發冷血。及氣不如苦筍。不發病。
詞林海錯。世傳涪翁喜苦筍。嘗從斌老乞苦筍。詩云。南
園苦筍味勝肉。坡翁嘗賦苦筍云。苦而有味。如忠諫之
可活國。於是世以諫筍目之。王象晉竹譜。淡竹筍。二
月食。苦竹筍。五月食。丹鉛續錄。扶竹之筍。名曰合歡。

格致鏡原卷六十三終

格致鏡原卷六十三終

六

凡食苦竹正其食 [世論蘇維] 并竹之管各日合燻
河深固然甚世以精餘目之 王桑曾竹管與竹管二
園苦竹刺刺肉地食管刺苦竹云苦而水刺成忠刺之
歸林蘇維世刺部餘苦竹管發極涉了苦竹管云南
刺蘇器本草需管苦管命血又尿不吐苦管不發黃
並去苦竹選非水中二三口更出懸收絲翻薰何食
苦竹刺與管 [蘇維蘇維] 類管出粵南大收管刺

格致鏡原

卷六十四 木類一

總

栢 總論 名類

樟 附占斯

栢

卷六十五 木類二

桐 總論 詳類

榆 總論 名類

槐 總論 名類

柏

松 總論 稱號 名類

楠 附石楠

桑 總論 名類
附桑寄生

木棉 附草本木棉

梓 附楸

楊柳 總論 楊柳

棟

椿

檮

櫟

楓

杉

檀

檜

荆

椒

榕

楮

樺

卷六十六 木類三

女貞

阜角

櫻欄

桃榔

花欄

鐵力

諸木

格致鏡原卷六十四

木類一

總

說文木冒也冒地而生東方之行也 逸雅木冒也華

葉自覆冒也 白虎通木觸也陽氣動躍觸地而出也

元命苞木者陽稍生於陰故水者木之母也其字八

推十為木八者陰合十者陽數 周易巽為木坎其於

木也為堅多心艮其於木也為堅多節離其於木也為

科上槁注堅多心謂剛中也山木堅直故多節也陰含

氣故曰科科空也為日所乾故上槁 禹貢兗州厥木

惟保揚州厥木惟喬 洪範水曰曲直曲直作酸 禮

記孟春之月盛德在水禁止伐木
周禮山虞仲冬斬陰木仲夏斬陽木
注陽木春夏生者陰木秋冬生者陽木生山南陰木生山北
毛詩集於灌木
注灌木者叢生之木也
又南有樛木
注木下曲曰樛
爾雅瘳木附婁
郭璞注謂木病疋偃瘳腫無枝條
又枹適木魁瘳
注謂樹木叢生根枝節目盤結礙磊
又小枝上繚為喬
注謂細枝皆翹繚上句者名為喬木
又無枝為檄
注檄權直上
漢鄒陽傳蟠木根柢
師古注蟠木屈曲之木也
詩經注枝曰條幹曰枚
埤雅木臥死為翳立死為樞
列子吾處也若槩株駒
注李熙云槩豎也株駒樹木也
崔譔曰槩株駒斷樹也
六書故木中曰朱
木心

紅赤因為朱赤之朱
詞林海錯木細枝曰蔓
雲
文議山中有玉者木旁枝下垂謂之寶苗
瑞應圖王者德化洽八方合為一家則木連理
孝經援神契德至於草木則木連理
京房易傳木同本異枝其君有慶鄰邑來附者吉
水生於君屋上及朝廷其君聖子木至而有實其國有慶
水生於城脅一圍以上長數丈此謂城強其君大昌
晉中興徵祥說連理者仁木也或異枝還合或兩樹共合
南齊書宋明九年秣陵安明寺有古樹伐以為薪
木理自然有法
大德三字
事物紺珠唐代宗時平江水中有天下太平之主六字
宋太宗時瑞安民解木五片皆有天下太平字
神宗時惠州

木有皇帝萬歲天下太平字徽宗時武義木有萬宋年
 歲四字永州民析薪兩邊有天下太平字高宗時虔州
 民毀歛屋折柱木理有天下太平時字 文山集真州
 樵人破一樹樹中有生成三字曰天下趙其字青而深
 春渚紀聞三衢毛氏庭中一木忽中裂而紋成衍字
 如以濃墨書染者體作顏平原書會其子始生因以名
 之後衍登第官至龍圖而終又晉江尤氏其鄰朱氏圃
 中有柿木高出屋上一夕雷震中裂木身亦若以濃墨
 書尤家二字連屬而上不知其數至於木枝細者破視
 亦隨枝之大小成字尤氏乞得其木作數百段分遺好
 事字體草勁健如王會稽書朱氏後以其圃歸尤氏云

留青日札餘杭徐第之斫後園樹破之中有上天
 國四字類顏真卿書法皆木妖也亦文妖也 珊瑚鈎
 詩話客有獻李衛公以古木者云有異公命剖之作琵琶
 槽自然有文成白鶴 事物紺珠宋真宗時斲木文
 如點漆貫徹上下體若梵書又木有文成字一有北斗
 七星形一有佛手形一有蛇形又木有文如龍魚鳳鶴
 狀又木有文如墨畫雲氣峯巒人物衣冠狀又崇仙觀
 柱有文為道士形及北斗七星象 格古要論瘦木出
 遼東山西有樺樹瘦花細可愛少有大者栢樹瘦花大
 而粗凡瘦蓋樹之生瘠者也北有瘦子木多是楊柳木
 有紋而堅硬好作馬鞍轡子 五雜俎木之有瘦乃木

之病也而後人乃取其瘿癭砢礪者截以為器蓋有瘿而後有旋文磨而光之亦自可觀但有南瘿北瘿之異南瘿多楓北瘿多榆南瘿蟠屈秀特北瘿則取其巨而多盛而已余在燕市中見瘿杯有大如斗者後在一宗室見以瘿木為浴盆此以太為貴也南方磊塊百狀或有自然耳可執小僅如雞子者此以小為貴也政如北人賣大葫蘆種謂可以為舟而南人乃取如栗大者為扇墜人之好尚不同如此按劉子云榿楠鬱蹙以成縹錦之瘿則瘿木之見重自古然矣海槎餘錄黎山中樹木產各種香黎人不解取必外人機警而在內行商者解取之嘗詢其法於此輩曰當七八月晴霽遍

山尋視見大小木千百皆凋悴其中必有香凝結乘夜月揚輝探視之則香透林而起用草繫記取之大率林木凋悴以香氣觸之故耳其香美惡種數甚多一由原木質理粗細非香自為種別也建康實錄陳后主禎明二年初覆舟山及松柏林冬月出木醴后主以為甘露之瑞俗呼為雀餒續博物志南方有木癡大如槩類鼻涕近人氣則閃閃動墮人衣袂震澤長語春秋書木冰漢書謂之木介又云木稼王荆公詩木稼嘗聞達官怕余在京師成化末親見之似烟非烟似雪非雪行道茫茫尋丈不辨草樹玲瓏皆成幡幢寶蓋少壯鬚髮盡成老翁父老云是謂木稼然其應不止達官而已

西陽雜俎珠崖一州其地無泉民不作井皆仰樹汁為用

立中記南方有炎山四月火生十二月火滅正二月火不燃山但出雲氣而草木生枝葉至四月火燃草木葉落如中國寒時行人以春月過此山下取此木為薪燃之無盡時取其皮績之為火浣布

漢書晁錯上書曰夫胡貉之地積陰之處也木皮三寸地寒故也

俞宗本種樹書凡木皆有雌雄雄者多不實可鑿作方寸穴取雌木填之乃實

雷公炮炙論以桂為丁以釘木中其木即死

庶物異名疏說文曰栒一作栒讀若刊栒識也玉篇引書隨山栒木一名木識謂隨所至林木斫其枝以記識其道

晉書玉濬為益州刺史伐吳造船

益州水柿蔽江而下

五雜俎宋時寢殿材謂之模枋模枋者人立其兩旁不相見但以手摸之而已今之皇木徑亦逾丈其最中為棟者每莖價近萬金而昇拽之費不與焉然川貴等崗中亦不易得也

左傳韓宣子宴於季氏有嘉樹焉宣子譽之

唐書太宗嘗玩禁中木曰嘉木也

遺史記聞錢鏐臨安人里中有大木鏐幼時常戲其下後為吳越國王宴父老山林皆覆錦名其木衣錦將軍

抱朴子山中樹能人語者非樹能語也其精為之名雲陽又山中午日稱仙人者老樹也

白澤圖老木之精狀如黑狗無尾名彭侯可烹食尸子木之精氣為畢方

注火鳥

立中記百歲之樹其

汁赤如血千歲之樹精為青羊萬歲之樹精為青牛
漢武故事上起神屋前庭植玉樹以珊瑚為枝碧玉為
葉華子青赤以珠玉為之空其中如小鈴鎗鎗有聲
漢五行志哀帝建平三年十月汝南西平遂陽鄉樹仆
地生枝如人形身青黃色面白頭有鬚髮稍長大凡長
六寸一分京房易傳云王德衰下人將起則有木生為
人狀〔集異志〕晉劉曜時西明大內大樹風吹折經一
宿樹忽變為人形髮長一尺鬚眉長三寸皆黃白色有
斂手之狀亦有兩脚著裙之形唯無目鼻每夜有聲十
日而生柯條遂成大樹枝葉甚茂〔顏真卿石柱記〕餘
不亭侯孔愉墓在城下古木數株堅如鐵石故老相傳

云愉卒後龜銜巢木植於此至今號龜銜樹〔瀟湘錄〕
隋末長安城禁苑內一大樹冬月雪中忽花葉茂盛及
凋落後結實其子光明燦然如火之照焉數日皆化為
紅蚊蝶飛去

松

總論

〔格物總論〕松樹礪礪多節皮極粗厚望之如龍
鱗盤根膠枝四時青青不改柯葉春二三月抽莖生花
結子〔曲洧舊聞〕東坡在海外因試潘道人墨取紙一
幅書曰松之有利於世者甚博松花脂茯苓皆長生其
節煮之以釀酒愈風痺強腰足其根皮食之膚革香久
則香聞下風數十步外其實食之滋血髓研為膏入瀉

酒中則醇醲可飲其明為燭其烟為墨其皮上蘚為艾
納聚諸香烟其材產西北者至良名黃松堅韌冠百木
畧數其用於世凡十有一不是閒居不能究物理之精
如此也一抱朴子千歲松樹四邊枝起上杪不長望而
視之有如偃蓋其中有物或如青牛或如青羊或如青
犬或如青人皆壽千歲嵩山記嵩高山有人松樹或
百歲或千歲其精變為青牛為伏龜採食其實得長生
金陵記芳山有野人見一使者異服牽一白犬野人
問居何地曰居偃蓋山隨至古松下而沒松形果如蓋
意使者乃松樹精犬乃茯苓耳酉陽雜俎南蠻有怪
松從前刺史每令畫工寫松必數株衰悴後因一各

妓環飲其下經日松死曲洧舊聞中嶽頂上松幹如
插筆其間數株上巨下細枝柯如枯槎皮或剝落有半
榮者僧指云此是嶽神為瑤禪師夜移天將曉其鬼兵
懼遠倒植之而去其言雖難信而其樹亦可怪也吳
地記松陽縣南臨大溪有松樹大八十一圍中空可容
三十人坐取此以為名王羲之遊四郡記永寧縣界
海中有松門西岸及嶼上皆生松故名松門述異記
千年之松香聞十里外一名十里香珍珠船蘇伯材
奉議云凡欲松偃蓋極不難栽時當去松中大根惟留
四旁鬚根則無不偃蓋酉陽雜俎欲松不長以石抵
其直下根便不必千年方偃五雜俎凡松髡其頂則

不復長旁榦四出久即偃地矣京師報國寺有松七八
株高不過丈許其頂甚平而枝榦旁出至十餘丈者數
百莖天矯如游龍然寺僧恐其折每一榦以一木支之
加丹堊焉好事者攜酒上其頂盤踞羣坐此亦生平所
未嘗見也南史陶弘景特愛松風庭院皆植松每聞
其響欣然爲樂名山記松有兩鬣三鬣五鬣者言如
馬鬣形廬山記西嶺松如馬鬣又葉五粒者服之長
生羣芳譜松樹老皮名赤龍皮唐書李泌嘗取松
膠枝以隱背名曰養和後得如龍形者因以獻帝廣
志松取枝燒其上下承取汁名松髓其松樹皮上綠衣
名艾酌合衆香燒之其烟回聚清白可愛本草松脂

出隴西如膠者善一名松膏一名松肪味苦温久服輕
身延年松花名松黃羣芳譜松之滓液一名松秀一
名松膠一名瀝青以通明如薰陸香顯者爲勝老松皮
肉自然聚者爲第一勝鑿取及鍊成者根下有傷處不
見日月者爲陰脂尤佳抱朴子松樹三千歲其皮中
有聚脂狀如龍形名曰飛節芝淮南子千歲之松下
有茯苓上有兔絲十道記南嶽百里有福地松高一
千尺而蕊甘仙人可餌相傳服食鍊行之人採此松膏
而服不苦澁與諸處松別羣芳譜松節松之骨也質
堅氣勁筋骨間諸病宜之

稱號

漢官儀秦始皇上泰山風雨暴至休於松下因

封其樹爲五大夫。東齋記事：秦始皇下泰山封其樹爲五大夫，初不言其爲何樹也。後漢應劭作漢官儀，始言爲松。蓋松栢在泰山之小天門，至勃時猶存，故知其爲松也。五大夫，蓋秦爵之第九級，如曹參賜爵七大夫，遷爲五大夫是也。後人不解，遂謂松之封大夫者，五故。唐人松詩有不羨五株封之句，蓋循襲不攷之過也。張勃吳錄：丁固夢松生其腹上，謂人曰：松字十八公也。後十八年，吾其爲公乎？後果與夢符。韻府：晉法潛隱剡山，或問其勝友爲誰，指松曰：此蒼髯叟也。清異錄：張薦明隱樂山林，有古松十餘株，謂人曰：予人中之仙，此木中之仙也。陶朱新錄：伊陽深山中有黑松，山平

高四十里，其上皆大松，有二株尤大，一號大將軍，一號小將軍。大者圍絹三疋，小者圍一疋，木客取材於此，皆祭之以絹，政和間求明堂柱，而邑官以無中程者聞，旣而有人告發，云大松不可出，小松可取也，乃命告者以官而令佐皆謫，已伐之，亦不可出，告者尋死。今獨大將軍尚在，而小者委於山間，惜哉。杭州志：於潛牧嶺上有古松一本，盤錯奇怪，嘗見有兄弟鬩牆，欲訟於有司，夜行憩其下，遲明辨色相視，乃伯仲也，遂各悔咎，息爭而還，因名松爲木長弟。視北雜誌：鮮于伯機嘗於廢園中得怪松一株，移置所居齋前，呼爲支離叟，朝夕撫玩以爲適。誠齋詩注：筠州入號夾道松爲涼繖樹。

名類

魯頌祖來之松

山海經大荒之中有方山上

有青松名曰拒格之松日月所出入

抱朴子天陵偃

蓋之松與天地長久周景式廬山記石門北巖即松

林也有數百樹松大皆連拱長近二十丈攢生絕崖上

南臨石門澗澗中仰視之離離如駢麀尾號麀尾松

山川紀異翊真觀在南昌府城西南觀有二松相去五

尺合為一幹號曰義松石湖詩注包山松多非種植

風吹松子自成謂之飛松南昌志建昌冷水觀壽松

一株盤屈奇古又名掛劍松相傳許遜故事獨異志

唐初有僧玄奘往西域取經一去十七年始去之日於

齊州靈巖寺院有松一本立於庭奘以子摩其枝曰吾

西去求佛教汝可西長若歸即此枝東向使吾弟子知

之及去年年西指約長數丈一年忽東指弟子曰教主

歸矣乃西迎之奘果歸得佛經六百部至今謂之摩頂

松唐書僕骨東境其地東北一千里有康河松木入

水二年乃化為石其色青謂之康子石有松文癸

辛雜識凡松葉皆雙股故世以為松釵獨括松每穗三

鬚而高麗所產每穗乃五鬚今所謂華山松是也李賀

有五粒小松歌西陽雜俎松今言兩粒五粒粒當言

鬚予私第大堂前有五鬚松兩株大纔如椀甲子年結

實珠與新羅南詔者不別五鬚松皮不鱗中使仇士良

水磴亭子在城東有兩鬚皮不鱗者又有千鬚者不知

自何而得俗謂孔雀松三鬣松也李德裕言三鬣松與孔雀松別羣芳譜三針者爲栝子松七針者爲果松又有赤松白松鹿尾松學圃餘疏栝子松俗名別牙松歲久亦生實李德裕金松賦序廣陵東南有顏大師猶子舊宅其地則孔北海故臺余晚春遊眺忽睹奇木枝似檉松葉如瞿麥迨而察之翠葉金實燦然有光訪其名曰金松訊其所來曰得於天台乃求得一本列於平泉晁氏墨經墨用松烟松有數品大槩松根生茯苓穿山石而出者曰透脂松歲所得不過二三株品惟上上根幹肥大脂出若珠者曰脂松品惟上中可揭而起視之而明者曰揭明松品惟上下明不足而紫者

曰紫松品惟中上礦而挺直者曰籤松品惟中中明不足而黃者曰黃明松品惟中下無膏油而漫若糖苴然者曰糖松品惟下上無膏油而類杏者曰杏松品惟下中其出歷青之餘者曰脂片松品惟下其降此外不足品第酉陽雜俎洛中有魚甲松五雜俎建州雲谷道中有數松盤孳蹙縮形勢殊詭余嘗過之歎其生於荒僻無能賞者又計數武石碣表於道周大書曰戰龍松朱晦翁筆也遊茅山錄臥龍松根盤如龍枝如覆屋海錄粹事平江學中有十題曰鼎足松其一也或云蘇子美嘗掌學命名也五雜俎楚中有萬年松長二寸許葉似側栢藏篋笥中或夾冊子內經歲不枯

取置沙土中以水澆之俄頃復活不知其所從出或云是老苔變成者然苔無莖無根而彼莖亦如松栢有根鬚數條未必是苔也
事物紺珠五釵松榦圓銳上聳望如浮圖一葉五釵膚理綜纈又塔松似杉而葉員細不能高重重偃蹇如塔又石松生天台山石上如松高一二尺
南方草木狀水松葉如檜而細長出南海土產衆香而此木不大香故彼人無被服者嶺北人極愛之其香殊勝在南方時

總論

春秋運斗樞玉衡星散爲柏
山海經白於之山其上多柏
埤雅柏一名榭柏性堅緻有脂而香故

古人破爲暢曰用以擣鬱
羣芳譜柏樹聳皮薄肌膩三月開細瑣花結實成毬狀如小鈴多瓣九月熟霜後辨裂中有子大如麥芬香可愛相陰木也木皆屬陽而柏向陰指西蓋木之有貞德者故字從白白西方正色也處處有之古以生泰山者爲良今陝州宜州密州皆佳川柏亦細膩以爲几案光滑悅目
圖經道家多作柏葉湯常點益人古柏葉尤奇今益州諸葛孔明廟中有大柏木相傳是蜀世所植故人多採收以作藥其味甘香於常柏也
集仙錄服柏便可絕粒若山谷難求側柏只尋常柏葉但不近丘墓便可服之石上者尤好曝乾者難將息旋採旋食尚有津潤易益人
列仙傳

廣成子食柏實齒落更生〔霍實月令〕七月收柏實
范子計然柏脂出三輔土價升七十〔清異錄〕同光中
秦隴野人得柏樹解截為版成器物置密室中時馨芳
之氣稍類沉水初得而焚之亦不香蓋性不宜火此淺
色沉耳〔水經注〕魯郡孔子舊廟有柏二十四株歷漢
晉其大連抱土人崇敬之莫敢犯〔寰宇記〕真源縣老
子堂前有雙柏樹左階之柏久枯煬帝大業十三年忽
從根生一枝聳幹三丈三尺枝葉青翠唐武宗二年更
生一枝直上五尺橫枝兩層枝葉相覆異於常樹〔從
征記〕泰山廟中柏皆二十餘圍夾兩階赤眉嘗斫一樹
見血而止今斧瘡猶在〔齊書〕王宴為員外郎父普懼

齋前柏樹忽變成梧桐論者以為梧桐雖有棲鳳之美
而失後凋之節宴後果不能善終〔墨客揮犀〕壺山有
柏木一株長數尺半化為石半猶是堅木蔡君謨見而
異焉因運置私第余在莆陽日親見之〔漢書〕東方朔
傳柏者鬼廷也〔師古注〕鬼神尚幽闇故以松柏之樹為
廷府〔風俗通〕墓土柏樹路頭石虎周禮方相氏入墟
殿魍像以其好食亡者肝腦不能當令方相立于墓側
而魍像畏虎與柏故樹柏立虎〔魏了翁〕經外雜鈔秦
始皇避雨封松為五大夫而樊宗師絳守園亭記后山
柏詩皆以柏為蒼官〔五雜俎〕嵩山嵩陽觀有古柏一
株五人聯手抱之圍始合下一石刻曰漢武帝封大將

軍人但知秦皇之封松而不知漢武之封柏也。河南志嵩山天封觀有古柏三株唐武后封五品大夫蔭百餘步俗云大小將軍。

名類

拾遺記始皇起雲明臺得葱巒錦柏。抱朴子大谷倒生之柏與天齊其長地等其久也。南齊書九巖山後漢龍丘萇隱處也山多龍鬚柏望之五采。本草乾陵之柏異於他處其木未有無文理者而其文多為菩薩雲氣人物鳥獸狀極分明可觀有盜得一株徑尺者可直萬錢關陝人家多以為貴宜其子實最佳也。西陽雜俎唐太常博士崔石云汝西有練溪多異柏及暮秋葉斂俗呼合掌柏。賈氏談錄李德裕平泉莊

有珠子柏實皆如珠子連生葉上香聞數十步。崑山

縣志南宋時高麗進陰陽柏二株初僅二尺種之末懷

寺殿庭左右久之高與殿等每左花則右實右花則左

實。老學庵筆記真宗有龍柏花詩李文饒平泉草木

記有藍田龍柏宋子京又有真珠龍柏詩予未嘗見也

或云出鄜坊間。地理志華山生文柏。廣志柏有續

柏有計柏。山海經斂山有木焉其狀如荆白華而赤

實名曰薊。音柏服者不寒。格物總論一種名側柏葉

大不相類如鋪茸細細相比。天中記龍女山多紫柏

華陽志云梁泉有紫柏坂。海錄碎事負霜柏一作宜

霜柏。方輿勝覽昭化驛有古柏士人呼桔柏。李德

裕柳柏賦序此郡有柳柏風姿濯濯宛若萸場而冒霜
停雪四時不改花木考竹柏生峨眉山中葉繁長而
澤似竹然其幹大抵類柏而亭直程海虞衡志石柏
生海中一幹極細上有一葉宛似側柏扶疎無小異根
所附著如烏藥大抵皆化為石矣此與石梅皆奇物海
濱人常得之

栴附石栴

羣芳譜栴生南方故又作楠黔蜀諸山尤多其樹童童
若幢蓋枝葉森秀不相礙若相避然葉似豫章大如牛
耳一頭尖經歲不凋新陳相換花黃赤色實似丁香色
青不可食幹甚端偉高者十餘丈粗者數十圍氣甚芬

芳紋理細緻性堅耐居水中子赤者材堅子白者材脆
年深向陽者結成旋紋為鬪栴栴作鬪格古要論鬪
栴楠出西蜀馬湖府紋理縱橫不直中有山水人物等
花者價高四川亦難得香楠色黃而香故名宜刊牌扁
博物要覽楠木有三種一曰香楠一曰金絲楠出川
崗中木紋有金絲向明視之的爍可愛一曰水楠色青
而質甚鬆如水楊惟可作桌櫬之類六書故黃貫楠
宜雕刻為木偶者用之潯陽記黃金山有栴樹一年
東邊榮西邊枯一年西邊榮東邊枯年年如此張華所
云交讓樹者是也溪蠻叢笑蠻地多楠有極大者剖
以為舟五雜俎楠木生楚蜀者深山窮谷不知年歲

百丈之幹半埋沙土故截以為棺謂之沙夜佳者解之
中有文理堅如鐵石試之者以暑月作合盛生肉經數
宿啓之色不變也然一棺之直皆百金以上矣
船真多市有楠木其竅若七星之狀李八百妹躡其竅
而上仙後立星楠觀

格物總論石楠葉如枇杷有小刺凌冬不彫春
生白花秋結細紅實人多移植庭宇間陰翳可愛不透
日氣南方記石楠樹野生二月花色仍連著實實如
燕卵七八月熟人採之取核其皮中作肥魚羹和之尤
美出九真丹鉛總錄李白詩風掃石楠花曲阜古城
顏回墓上有石楠二株大三四十圍土人云顏子手植

之木太真外傳上發馬嵬行至扶風道旁花畔見石
楠樹愛玩之因目為端正樹蓋有所思也

樟

相如賦榎栴豫章師古注豫即枕木章即樟木二木生
七年乃可分別格物總論豫章大木也樹身數十圍
高十餘丈根盤枝錯榦聳枝膠皮厚而粗葉硬而滑香
烈味辛紋理爛斑南方多有之木譜豫一名烏樟一
名枕本草陳藏器曰枕生南海山谷作舸船次於樟
李時珍目釣樟即樟之小者莖葉置門上辟天行搜
神記吳先主時陸敬叔為建安郡太守使人伐大樟樹
不數斧有血出樹斷有物人面狗身從樹中出敬叔曰

此名彭侯乃烹食之。花木考壽樟在建昌縣治南宋黃庭堅記項安世作壽樟亭初邑人李左司公懋任於朝高宗嘗問樟公安否奏以枝葉婆娑四時常青何萬幾之暇眷眷乎遐方一樟哉。明興雜記神木廠所皆大木皆求樂中肇建宮殿之賸物也其最巨有樟扁頭者圍二丈長臥四丈餘騎而過其下高可以隱近年覆其不時風雨震淋朽腐已侵半矣當時殿閣之用如扁頭類吾不知其幾。注樟木其頭扁者蓋當時穿之以施拖拽力也廠中惟此木最鉅守廠者特以樟扁頭呼之故入者必觀焉。荊州記山陽縣豫章木可伐作鼓頰。西陽雜俎樟木江東人多取為船船有與蛟龍鬪者

葉苑詳註按樟樹最大可鋸為桌面及為船熬其汁可為腦置水上火燃不熄結子可榨為油俗取其木以塑像江南多生之。胡演升鍊方樟腦用樟木新者切片井水浸三日夜入鍋煎之柳木枝頻攪待汁減半柳上有白霜即濾去滓傾汁入瓦盆內經宿自結成塊也。庶物異名疏博物志云占斯解狼毒李當之云是樟樹上寄生樹大銜枝在肌肉今以胡桃皮為之非真也按桐君采藥錄生上洛是木皮狀如厚朴色似桂白其理一縱一橫李時珍曰占斯范方注謂之良無極劉涓子鬼遺方謂之木占斯而別錄一名炭皮

桑

總論

〔典術〕桑木者箕星之精神木也。蟲食葉為文章。人食之老翁為小童。〔周易〕繫於苞桑。〔注〕苞桑言固也。

〔禮月令〕季春命野虞無伐桑柘。〔史記〕齊魯千畝桑。

其人與千戶侯等。〔格物總論〕桑樹大者數圍高一二丈許。皮粗枝幹修煉。春正二月抽條發葉。葉大者盈尺。

有刻缺面深綠而光。〔俞宗本種樹書〕浙間植桑。斬其

葉而植之。謂之椽桑。却以螺殼覆其頂。恐梅雨侵損其

皮故也。二年即盛。〔汜勝之書〕種桑五月取椹著水中。

濯灑取子陰乾之。肥田十畝。荒久不耕者。善好耕治之。

黍椹子各三升。三合和種之。黍桑俱生。鋤之。令稀。疏調。

適黍熟。穫之。桑生正與黍高。下平。因以利鎌。歷地刈之。

曝令燥。放火燒之。桑至春生一畝。食三箔蠶。〔種樹書〕

桑以構接。則桑大根下。蘊龜甲。則茂盛不蛀。〔呂氏春

秋〕伊尹之母居伊水之上。孕夢有神告之。曰。日出水東。

走無顧。明日視日出水。告其鄰。東走顧。其邑盡為水。身

因化為桑。有莘氏採桑。得嬰兒。空桑之中。獻之於君。君

令乳之。〔晉書〕永嘉二年冬。項縣桑樹有聲。如解材。人

謂之桑樹哭。〔見聞錄〕南唐末年。溧水天興寺。桑生。木

人長六寸。如僧狀。右袒而左。跪衣被。皆備其色。如純漆。

可鑑。謂之須菩提。縣掇置龕中。以仁壽節。日來獻。烈祀

驚異。迎置宮中。奉事甚謹。〔五代史〕會同二年。契丹南

掠邢洛磁。至於安陽河。焚剽殆盡。契丹見大桑木。罵曰。

吾知紫披襖出自汝身吾豈容汝活耶束薪於木而焚之東都事略范純仁知襄城縣有惠愛課民種桑民號其桑為著作林河圖括地象有民食桑二十七年而化九年生翼本草桑根白皮出見地上名馬領勿取毒殺人桑根旁行出上上者名伏蛇治心痛桑花一名桑蘚一名桑錢生桑樹上白蘚非桑椹花也異花老桑木字曰子明

名類王盤農書桑種甚多不可徧舉世所名者荆與魯也荆桑多椹魯桑少椹葉薄而尖其邊有瓣者荆桑也凡枝幹柔葉堅勁者皆荆之類也葉圓厚而多津者魯桑也凡枝幹條葉豐腴者皆魯之類也荆之類根固而心實能久遠宜為樹魯之類根不固心不實不能久遠宜為地桑然荆之條葉不如魯葉之盛茂當以魯桑條接之則能久遠而又盛茂也魯為地桑而有厭條之法傳轉無窮是亦可以久遠也荆桑所飼蠶其絲堅韌中紗羅用禹貢稱厥篚檿絲注曰魯桑之類宜飼大蠶荆桑宜飼小蠶齊民要術曰收椹之黑者剪去兩頭惟取中間一截蓋兩頭者其子差細種則成雞桑花桑中間一截其子堅栗則枝條堅強而葉肥厚將種之時先以柴灰掩揉次日水淘去輕秕不實者曬令水脉才乾種乃易生本草李時珍曰桑有數種白桑葉大如掌而厚雞桑葉細而薄子桑先椹而後葉山桑葉尖而長

而心實能久遠宜為樹魯之類根不固心不實不能久遠宜為地桑然荆之條葉不如魯葉之盛茂當以魯桑條接之則能久遠而又盛茂也魯為地桑而有厭條之法傳轉無窮是亦可以久遠也荆桑所飼蠶其絲堅韌中紗羅用禹貢稱厥篚檿絲注曰魯桑之類宜飼大蠶荆桑宜飼小蠶齊民要術曰收椹之黑者剪去兩頭惟取中間一截蓋兩頭者其子差細種則成雞桑花桑中間一截其子堅栗則枝條堅強而葉肥厚將種之時先以柴灰掩揉次日水淘去輕秕不實者曬令水脉才乾種乃易生本草李時珍曰桑有數種白桑葉大如掌而厚雞桑葉細而薄子桑先椹而後葉山桑葉尖而長

以子種者不若壓條而分者。黃省曾蠶經有地桑出於南潯有條桑出於杭之臨平。爾雅邢昺疏女桑一名楨桑今俗呼桑樹小而條長者為女桑樹詩幽風七月云猗彼女桑是也。種樹書白桑得繭厚而堅絲每倍常桑葉生黃衣而皺者號曰金桑非特蠶不食而木亦將槁矣。拾遺記員嶠山有木名猗桑煎榘以為蜜。山海經宣山有桑大五十丈其枝四衢赤理黃花青葉名曰帝女之桑。郭註四衢言交互四出婦人主蠶故以名桑。廣異記南方赤帝女學道得仙居南陽嶧山桑樹上正月一日銜柴作巢至十五日成或作白鵲或作女人赤帝見之悲慟誘之不得以火焚之女郎昇天。

因名帝女桑。十洲記扶桑在碧海中上有天帝宮。王所治樹長數千丈兩兩同根更相倚依故曰扶桑。仙人食其榘體作金色其樹雖大榘如中夏桑榘也。稀而赤色九千歲一生實味之絕香。齊書扶桑國在大漢國東二萬餘里土多扶桑葉似桐初生如笋國人食之實如梨而赤績其皮為布亦為綿為紙。拾遺記窮桑者西海之濱有孤桑之樹直上千尋葉紅榘紫萬歲一實食之后天而老。述異記空桑生大野山中為琴瑟之最者空桑也。神異經東方有樹焉高八十丈敷張自輔其葉長一丈廣六七尺名曰桑其上自有蠶作繭長三尺縲一繭得絲一斤有榘焉長三尺五寸圍如長。

桑是偃桑。但樹長大耳。爾雅：桑山桑。注：似桑材。冲

作弓及車轅。唐書：南詔永昌之西野。桑生石上。其材

上屈南向而下。植取以為弓。事物紺珠：雲桑。密縣山

野生。樹枝葉皆類桑。但葉如雲頭花。木樂細青黃色。

庶物異名疏：本草云：桑上寄生。其實明目。輕身通

神。一名寄唇。一名萬木。一名宛童。一名蔦。陸璣云：葉似

當盧子。如覆盆子。赤黑。恬美。圖經云：寄生是鳥鳥食物。

落子枝節間。感氣而生。葉似橘而厚。軟葉似槐皮。而肥

脆。三四月開花。黃白色。六七月結實。黃色如小豆。

杯

格物總論：柘樹高大如桑。枝條婀娜。葉大如掌。草木

狀。柘宜山石。蠶書：柘葉飼蠶。其絲作琴瑟。清響。

凡絲。周禮冬官：弓人辨六材。柘為上。清異錄：張曲

江里第之側有古柘。嘗因狂風發。其一根解為器具。花

紋甚奇。人又以公之手筆。冠世目之曰文章樹。古今

注：柘實曰佳。音。本草：奴柘生江南山野。似柘節。有刺

冬不彫。葉可飼蠶。

木棉 附草本 木棉

張勃吳錄：交阯安定縣有木棉樹。高丈餘。實如酒杯皮

薄。中有如絲棉者。色正白。破一實得數斤。可作布。羅

浮山記：木棉正月則花大如芙蓉。花落結子。方生。棉方

葉耳。子內有棉。甚白。蠶成則熟。南人以為縑絮。丹鉛

總錄南中木棉樹大如抱花紅似山茶而蓋黃花片極厚非江南所藝者。瑯琊代醉編續博物志云閩中多木棉植之數千株採其花可紡爲布李商隱詩木綿花發鷓鴣飛王徽詩紙錢灰出木棉花舊云木棉卽今之班。夜花也。棉花種爲番使黃始所傳今廣中立祠祀之。沈黃門焯曰番中有青黃白三種今特傳其白者耳。張七澤梧樹雜佩木棉一名瓊枝其高數丈樹類梧桐葉類桃而稍大花色深紅類山茶春夏花開滿樹望之爛然如綴錦花謝結子大如酒杯絮吐於口茸茸如細毳舊云海南蠻人織爲布名曰吉貝今第以充裯襦取其軟而溫未有治以爲布者溱梧間亦多有之但土人

未嘗採取隨風飄墜而已。王世懋閩郡疏木棉花者高樹丹花若茶吐實蓬蓬吳中所謂攀桂也楊用修其載丹鉛以爲異曰雲南霑益州有之聞嶺廣尤多不知惠安志尸載此樹名爲攀桂花楊乃曰班枝花與吳中攀枝花蓋三名實一物也花品不當綿花僅堪絮褥耳。

草木本棉

羣芳譜木棉春月以子種稍似木葉綠似牡丹而小花黃如秋葵而葉單幹不貴高長枝最喜繁茂結實三稜青皮尖頂纍纍如桃北人呼爲花桃熟則桃裂而絨現其絨如鷲毳較諸絲纈雖不無少遜然而用以絮衣甚輕暖子如珠可以打油油之滓可以糞地

粘甚堅堪燒葉堪飼牛其為利益甚溥南方煥一種可
活數歲中土須歲歲種之其類甚多。花出楚絨二十
而得五性強緊北花出畿輔山東柔細中紡織絨二十
而得四浙花出餘姚中紡織絨二十而得七更有數種
曰黃蒂穰蒂有黃色如粟米大曰青核核青細于他種
曰黑核核純黑色曰大衣核白而穰浮此曰種二十而
得九黃蒂稍強緊餘皆柔細中紡織又一種紫花浮細
而核大絨二十而得四時布製衣甚朴雅士紳多尚之
又有深青色者亦奇種其傳不廣擇種須用青核等為
佳或曰恐土脉不宜不思木棉始出南海諸國今何以
遍中土也 正字通通雅曰吉貝即劬貝木棉樹也古

無木棉種所謂絮皆繭絲唐有木棉花詩李琮詩暉味
魚中墨衣裁木上棉是也南史古貝即吉貝吉譌作古
梁武有木棉阜帳似草者名古終一種斑枝花樹高大
花中綿軟白可為緼絮及毛布俗呼攀枝花生中原者
小今嶺南木棉樹高數丈春開紅花即攀枝之類也外
國紡為布曰吉貝丘文莊鄧州江皆謂元時入中國誤
陶九成曰松江烏泥涇種木棉黃道婆自崖州來教以
紡織此即今棉花實大如桃中有綿絲有白紫二色外
國志劉宋元嘉時伽毗黎獻吉貝等物占城亦出吉貝
又佛書謂之睽婆又曰迦婆羅劬貝也即木棉樹時珍
獨以為古貝據劬貝當从吉貝為近孟康言閩中呼棉

康

花爲吉貝。史炤釋文木棉江南多有之以春二三月
下種既生須一月三薹至秋生黃花結實及熟時其皮
四裂其中綻出如綿土人以鐵錐碾去其核取如棉者
以竹爲小弓長尺四五寸許牽弦以彈綿令其勻細在
爲筒就車紡之自然抽緒如縲絲狀織以爲布。松
府志凡木綿多收利倍於粟其爲用擊花成絮紡之成
紗織之成布其查核榨之成油俱切用其花以棉大
核細者爲佳經霜後開者謂之軟花不貴之矣花實方
結尚青者俗呼花鈴子其方雖未花者曰花盤穰之晚
結無棉者曰僵囊。閩部疏昔聞長者言廣人種棉花
高六七尺有四五年不易者余初未之信過泉州至同

安龍溪間扶搖道旁狀若榛荆迫而視之卽棉花也時
方清和老榦已著瘦黃花矣。梧潯雜佩吾松以棉布
衣被天下而棉花之來莫詳其始相傳謂種出西番元
時始入中國按通鑑梁武帝送木棉阜帳史炤釋文所
言卽今之棉花無疑矣但今製彈綿之弓以木爲之長
六尺餘則與古稍異耳謂起自元時非也

格致鏡原卷之四

木類 草木木部

十四

